

A Mesa do Parlamento, na súa sesión do día 26 de decembro de 2024, adoptou os seguintes acordos:

PUNTO 2.º- COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO

2. Administración do Parlamento de Galicia

2.1. Asuntos económicos e contratación

2.1. c) Prórroga do contrato administrativo de xestión da produción audiovisual do Parlamento de Galicia (STI-PA-5/2020.)

ANTECEDENTES

1. O contrato foi adxudicado mediante Acordo da Mesa do Parlamento de 21 de decembro de 2020, e formalizado o 28 de xaneiro do 2021, entrando en vigor o 29 de xaneiro; tendo unha duración de un ano, rematou a súa duración anual prevista o 28 de xaneiro de 2022.
2. A empresa presentou escrito no Rexistro Xeral do Parlamento (núm. 25506) solicitando a prórroga do contrato ata 28 de xaneiro de 2023.
3. A Mesa do Parlamento, na súa sesión do día 18 de xaneiro de 2022, aprobou o acordo polo que se lle concede a citada prórroga ata o 28 de xaneiro de 2023.
4. A empresa presentou escrito no Rexistro Xeral do Parlamento (con data de 11 de novembro de 2024, núm. 14560) solicitando a prórroga do contrato ata 28 de xaneiro de 2026.

CONSIDERACIÓNS LEGAIS

- 1.- O contrato ten carácter administrativo e se rexe polo establecido na Lei 9/2017, do 8 de novembro, de contratos do sector público (LCSP), e en canto non estea derogado, no Real Decreto 817/2009, do 8 de maio, que desenvolve parcialmente a Lei 30/2007, do 30 de outubro, de contratos do sector público e no Real decreto 1098/2001, do 12 de outubro, polo que se aproba o Regulamento xeral da Lei de contratos das administracións públicas.
- 2.- Ao teor do artigo 29 da LCSP, a duración dos contratos do sector público deberase establecer tendo en conta a natureza das prestacións, as características do seu financiamento e a necesidade de someter periodicamente a concorrência a súa realización, sen prexuízo das normas especiais aplicables a determinados contratos.

Os contratos de servizos de prestación sucesiva terán un prazo máximo de duración de cinco anos, incluídas as posibles prórrogas que acorde o órgano de contratación.

O contrato poderá prever unha ou varias prórrogas sempre que as súas características permanezan inalterables durante o período de duración destas.

A prórroga será acordada polo órgano de contratación e será obrigatoria para o empresario, sempre que o seu aviso previo se produza polo menos con dous meses de antelación á finalización do prazo de duración do contrato, salvo que no prego que rexa o contrato se estableza un maior.



3. A posibilidade da prórroga preveuse expresamente no prego de cláusulas administrativa desta contratación e tívose no seu momento en conta para a determinación do seu valor estimado e, polo tanto, para a elección do procedemento de adxudicación.

Ao tenor da cláusula terceira do contrato, a duración do contrato estenderase un ano dende o 29 de xaneiro de 2021, podendo ser obxecto de prórroga polos períodos sucesivos que acorde a Mesa do Parlamento ata un máximo de catro anos máis.

4. O prezo anual máximo do contrato é 127.050,00 €, IVE engadido, segundo o seguinte detalle:

- *Prezo do servizo (importe anual):* 105.000,00 €.
- *IVE:* 22.050,00 €.
- *Total:* 127.050,00 €.

Segundo a cláusula segunda do contrato o prezo non pode ser obxecto de revisión, polo tanto no caso de prórroga, o prezo seguirá sendo o mesmo.

5. Segundo informe do responsable do contrato, de 15 de novembro de 2024, *as tarefas comprendidas no obxecto do contrato son moi importantes para o correcto funcionamento do Parlamento de Galicia dende o punto de vista de visibilidade de cara ao exterior da actividade parlamentaria, así como para a operativa e soporte diario do audiovisual do Parlamento de Galicia; xa que o non dispor deste servizo implicaría o impedimento da celebración de sesións con sistemas de audio e vídeo, así como a non emisión a través de medios de comunicación e Internet*, polo que informa favorablemente a súa prórroga.

6. Consta no expediente certificados, nesta data, de estar ao corrente de débedas tributarias coa Axencia Estatal e coa Axencia Tributaria de Galicia, e de débedas coa Seguridade Social.

7. Dado que a prestación obxecto do contrato se esta realizando con normalidade e seguen vixentes as necesidades que se pretendían cubrir co contrato (o mantemento, operación e evolución dos sistemas audiovisuais e de votacións), e polo tanto as razóns de interese público que xustificaron ao inicio deste expediente de contratación, a Mesa do Parlamento adopta o seguinte Acordo:

1º) Prorrogar o contrato administrativo do servizo para a xestión da produción audiovisual do Parlamento de Galicia adxudicado a Spica, S.L., ata o 28 de xaneiro de 2026, inclusive.

2º) Notificarlle este acordo á empresa.

3º) Comunicarlles este acordo aos Servizos de Tecnoloxías da Información, de Persoal e Réxime Interior e á Intervención e Asuntos Económicos.

4º) Publicar o acordo no perfil do contratante do Parlamento de Galicia.

Santiago de Compostela, 2 de xaneiro de 2025

Xosé Antón Sarmiento Méndez
Letrado oficial maior

Xosé Antón Sarmiento
Méndez, Letrado Oficial
Maior

Firmado digitalmente por Xosé Antón Sarmiento Méndez,
Letrado Oficial Maior
Nombre de reconocimiento (DN): cn=Xosé Antón Sarmiento
Méndez, Letrado Oficial Maior,
email=x.sarmiento@parlamentodegalicia.gal
Fecha: 2025.01.03 10:46:35 +01'00'

Intervención e Asuntos Económicos
Servizo de Persoal e Réxime Interior.



Asinado dixitalmente por:



PARLAMENTO DE GALICIA
REXISTRO XERAL SAÍDA
Data asento: 03/01/2025 10:53:01
Nº Rexistro: 4472
Data envío: 03/01/2025 10:53:01.439

Xosé Antón Sarmiento Mendez, Letrado Oficial Maior na data 03/01/2025 10:46:35

CSV: REXISTRO-pNcMauChw-5
Verificación:
<https://sede.parlamentodegalicia.gal/tramites/csv/>

